

KERATAN AKHBAR

TARIKH : 3 JULAI 2023
AKHBAR : BERITA HARIAN
MUKA SURAT : 31

Pelabur tumpu keputusan OPR

Pelabur tumpu keputusan OPR

**FBM KLCI
dijangka naik
dalam jajaran
1,375-1,390 mata**

Ulasan Pasaran

Bursa Malaysia diunjur dinia-gakan berhati-hati minggu ini apabila pelabur dijangka menumpukan kepada keputusan Kadar Dasar Semalam (OPR) Bank Negara Malaysia (BNM) semasa mesyuarat keempat Jawatankuasa Dasar Monetari (MPC) yang dijadualkan pada 5 dan 6 Julai.

Penganalisis kanan Malacca Securities Sdn Bhd, Kenneth Leong, berkata selepas kenaikan mengejut pada awal Mei, beliau menjangkakan bank pusat mengekalkan kadar pada mesyuarat MPC akan datang.

"Pada peringkat global, kami menjangkakan pengumuman keputusan korporat akan datang Amerika Syarikat (AS) menjadi tumpuan utama," katanya.

Beliau mengunjurkan indeks petunjuk pasaran bergerak antara paras 1,370 hingga 1,400 pada minggu ini.

Sementara itu, Naib Presiden Penyelidikan Ekuiti Rakuten Trade Sdn Bhd, Thong Pak Leng menjangka sentimen pelabur kekal berhati-hati dalam tempoh terdekat dan melihat peningka-

tan ketidaktentuan luaran sebagai halangan utama, manakala pada masa sama berdepan tekanan julian oleh dana asing.

"Namun, penilaian indeks petunjuk pasaran kekal menarik dengan nisbah harga pendapatan (PER) hadapan di bawah 13 kali berbanding purata lima tahun sebanyak 17 kali.

"Justeru, kami menjangkakan FBM KLCI diiniagakan tidak berubah dengan meningkat sedikit dalam jajaran 1,375 hingga 1,390, pada minggu ini dengan paras ketahanan pada 1,400 dan paras sokongan pada 1,373," katanya.

Bagi asas Jumaat ke Jumaat, FBM KLCI berkurangan 14.21 mata untuk ditutup kepada 1,376.68 berbanding paras

1,390.89 pada minggu sebelumnya.

Indeks FBM Emas turun

Di papan Indeks, Indeks FBM Emas turun 90.84 mata kepada 10,141.54, Indeks FBMT 100 susut 69.72 mata kepada 9,844.00, Indeks FBM Emas Syariah jatuh 100.88 mata kepada 10,414.87 dan Indeks FBM 70 berkurangan 71.61 mata kepada 13,384.58. Namun, Indeks FBM ACE meningkat 25.19 mata kepada 5,068.02.

Mengikut sektor, Indeks Perkhidmatan Kewangan turun 111.98 mata kepada 15,332.87, Indeks Perladangan susut 19.79 mata kepada 6,698.65, Indeks Produk dan Perkhidmatan Perindustrian jatuh 1.95 mata kepada 156.92 dan Indeks Tenaga berku-

rangan 10.99 mata kepada 774.09.

Jumlah dagangan mingguan turun kepada 10.63 bilion unit bernilai RM6.44 bilion daripada 15.54 bilion unit bernilai RM8.25 bilion pada minggu sebelumnya.

Jumlah dagangan Pasaran Utama berkurangan kepada 7.57 bilion saham bernilai RM5.49 bilion berbanding 9.09 bilion saham bernilai RM7.06 bilion.

Jumlah dagangan waran turun kepada 868.29 juta unit bernilai RM147.26 juta berbanding 1.47 bilion unit bernilai RM194.74 juta.

Jumlah dagangan Pasaran ACE susut kepada 2.15 bilion saham bernilai RM809.51 juta daripada 4.97 bilion saham bernilai RM989.19 juta sebelumnya.

BERNAMA